

MILLIY GVARDIYA BO'LAJAK OFITSERLARINING MAFKURAVIY KOMPETENTLILIGINI SHAKLLANTIRISHNING HOZIRGI HOLATI VA IMKONIYATLARI

Urolov Umid Xolmurotovich

*O'zbekiston Respublikasi Jamoat xavfsizligi universiteti mustaqil tadqiqotchisi
podpolkovnik*

Annotatsiya: *Ushbu tezisdagi Milliy gvardiya saflarida ofitserlik lavozimlarida xizmatni boshlash ostonasida turgan barcha bo'lajak ofitserlar xizmat avvalidan turli xildagi mafkuraviy to'siqlar kelib chiqish sifatlari hamda ularni oldini olishga qaratilgan ayrim yechimlar yoritilgan*

Kalit so'zlar: *Kompetentlik, bo'lajak ofitserlar, mafkuraviy to'siqlar, jonkuyarlik, komandir va boshliqlar*

«Istiqlol davrida O'zbekiston armiyasi juda murakkab va sharafli yo'lni bosib o'tdi. Yosh davlatimizning o'ta og'ir shakllanish yillarida aynan Qurolli Kuchlarimiz mamlakatimiz mustaqilligi, xalqimizning tinch hayoti va farovonligini ta'minlash, demokratik islohotlarni muvaffaqiyatli amalga oshirishning ishonchli kafolati bo'lib xizmat qilganini barchamiz yaxshi bilamiz va yuksak qadrlaymiz.»

Bugungi kunda amalga oshirgan tub islohotlarimiz tufayli tarixan qisqa davrda O'zbekiston Respublikasi suvereniteti va hududiy yaxlitligini, sarhadlarimiz daxlsizligi, jamoat xavfsizligi va tartibini ishonchli himoya qilishga qodir bo'lgan, tezkor va ixcham milliy armiyani tashkil etishga erishmoqdamiz.

Ana shunday buyuk tarixiy jarayonda xalqimizning harbiy sohadagi boy merosiga tayanib, Jaloliddin Manguberdi, Sohibqiron Amir Temur, Zahiriddin Muhammad Bobur kabi buyuk sarkarda bobolarimizning jangovar an'alarini munosib davom ettirib kelayotgan, jismoniy va ma'naviy yetuk, zamonaviy bilim, qurol-yarog' va texnikalarni puxta egallagan, davlat va xalq manfaatlari uchun har qanday sinov va mashaqqatlarni yengib o'tishga tayyor bo'lgan harbiylarimiz doimo faol ishtirok etib kelayotganlari har qanday yuksak e'tirofga munosibdir. Ushbu e'tirof etilgan barcha mardonavor xizmatlarni to'liq va ishonchli ado etish uchun harbiy xizmatchilarda xizmat davomida fidokorlik, jonkuyarlik, shijoat, qat'iyat hamda kirishuvchanlik ko'rsatishni talab qilmoqda. Aynan shu hislatlarni jamlash va shakllantirish bo'lajak ofitserlarning mafkuraviy kompetentliligiga bog'liq hisoblanadi.

Milliy gvardiya saflarida ofitserlik lavozimlarida xizmatni boshlash ostonasida turgan barcha bo'lajak ofitserlar xizmat avvalidan turli xildagi mafkuraviy to'siqlarga amaliy tajribalarning kamligi yuzasidan ayrim muammolarga uchrashi tabiiy hol.

Buning boisi shundan iboratki, notanish muhit, notanish jamoa, shaxsiy tarkib bilan kirisha olish qobiliyatining pastligi, ularni boshqarish qobiliyati yetarli darajada

emasligi, amaliy ko'nikmalar, nazariy bilimlar, rahbariy hujjatlar hamda katta komandirlarning buyruqlarini yuzasidan tushunmovchiliklar kelib chiqishini aytib o'tsak mubolag'a bo'lmaydi. Lekin faqatgina salbiy oqibatlarini aytishning o'zi kifoya emas. Bo'lajak ofitserlar nazariy bilimlarning tirishqoqligi, shaxsiy namuna bo'la olish qobiliyati shakllanganligi va izlanuvchanligini alohida ta'kidlab o'tish joiz. Yuqorida aytib o'tilgan barcha ijobiy xislatlar bo'lajak ofitserning mafkuraviy kompetentligi asoslari bo'lib xizmat qiladi. Unga komandir (boshliqlar) yoki ayrim mas'ul shaxslar tomonidan tushuntirishlar, yo'riqlar va xizmat tavsiyalarini berish natijasida ofitserda ijobiy xislatlar yanada tezroq rivojlanadi, bu esa muhitga, jamoaga bo'lgan mavfuraviy kompetentligini yanada yuqoriga ko'taradi.

Shuning uchun ofitserlik lavozimlarida xizmatni boshlash uchun kelgan ofitserlarga har jihatdan namunali, amaliy ko'nikmalarga ega, nazariy bilimlarni puxta egallagan, rahbariy hujjatlarni o'zlashtirgan, jamoa orasida obro'-e'tiborga ega bo'lgan moxir ofitserlarga ustoz-shogird an'alariga asosan biriktirish. Ushbu jarayonni tizimli, muntazam, sifatli va natijador o'tkazilishi hamda bergan natijasiga ko'ra kelgusidagi ishlarni yanada puxtalashtirishga qaratish maqsadga muvofiq bo'ladi. Bu esa bo'lajak yetuk ofitserning mafkuraviy kompetentligini shakllantirishiga va takomillashtirishiga sabab bo'ladi.

Xulosa o'rnida shuni aytish joizki, Qurolli Kuchlar tizimi vaqt o'tgan sari yanada rivojlanib, shakllanib bormoqda. Bu esa, bo'lajak ofitserlar uchun yana bir pog'ona yuqorilash lozimligini anglatadi. Mustaqillik yillarida Qurolli Kuchlarimiz tizimida faqatgina birlamchi bilim, ko'nikmaga ega bo'lishning o'zi kifoya bo'lgan bo'lsa, hozirgi kunda esa barcha bilimlarni yetuk, chuqur anglash, ular ustida ishlay olish hamda qaror qabul qila olish lozimligi talab etilmoqda. Shuning uchun bo'lajak ofitserlarning mafkuraviy kompetentligini shakllantirishiga jamoa orasida obro'-e'tiborga ega bo'lgan moxir ofitserlarni biriktirgan holda ustoz-shogird an'alariga muvofiq malakalarini oshirish juda katta yutuqlarga olib keladi.

Bundan tashqari XXI asr texnologiyalar asrida bo'lajak ofitser xizmat faoliyatida to'siqlarga uchramasligi uchun yana bir omilni puxta o'rgangan bo'lishi lozim. Yani bu, axborot kommunikatsion vositalarini puxta bilishi, kompyuter texnologiyalarida xizmat faoliyati uchun lozim bo'lgan dasturlar va bilimlarni bilishi ham talab etilmoqda. Bu esa yuqorida aytib o'tilgan, ya'ni Qurolli Kuchlarimiz rivojlanishda jadal davom etmoqda degan fikrimizga yana bir isbot sifatida xizmat qiladi.

Xizmatga kelayotgan bo'lajak ofitserlar tarkibidan mafkuraviy kompetentligini shakllantirish ujum joiz bo'ladigan birlamchi fazilatlar:

fidokorlik, qat'iyat, jonkuyarlik, shijoatlilik, tirishqoqlik hamda harbiy qasamyodga sodiq qolish kabi fazilatlarini o'zida yuqori darajada jamul-jam qila olganidan so'nggina shakllana boradi.

So'zimiz ohirida bo'linmalarga ofitserlik lavozimlarida kelayotgan bo'lajak ofitserlar tarkibi o'shlari davomida nazariy bilimlarni puxta o'zlashtirgan holda, amaliy

ko'nikmalarni shakllantirishga kata urg'u qaratishlari hamda mamlakatimizdagi, dunyodagi siyosiy, harbiy, iqtisodiy va boshqa sohalar yuzasidan ma'lumotlarni anglagan holda bo'linmalarga kelganlik tavsiya etiladi. Chunki bo'linmalarga ofitserlik lavozimlariga kelgan bo'lajak ofitserlar birdaniga mafkuraviy kompetentligini shakllantirish uchun ikki tomonlama ya'ni, bilim hamda yangi joy, yangi jamoa tarafidan to'siqlarga uchrash juda kata salbiy oqibatlariga olib kelishi mumkin. Shuning uchun ham, nazariy bilim, amaliy ko'nikmalarni puxta egallab kelgan bo'lajak ofitserlar xizmat faloiyati davomida(ayrimlari) yangi joy, yangi jamoa muhitiga biroz vaqt oralig'ida o'rnashibv oladilar va bu esa bo'lajak ofitserlarda mafkuraviy kompetentlikni puxta shakllanish muddatini tezlashtiradi

FOYDALANILGAN ADABIYOT VA MANBALAR:

1. O'zbekiston Respublikasi Prezidenti Sh.M.Mirziyoyev O'zbekiston Qurolli kuchlari tashkil etilganining 30 yilligi va Vatan himoyachilari kuni munosabati bilan bayram tabrigida
2. <https://milliycha.uz/kr/Fuqarolik> jamiyatiga oid ensiklopedik atamalar kitobi